


Ni Presidente
Thomas S. Monson



Dagiti Kanario nga Adda Maris Dapo kadagiti Payakda

Dumani 60 a tawen ti napalabas, idi kabarbaro-ak pay laeng a bishop, pimmusay ni Kathleen McKee, maysa a balo iti wardko. Maibilang kadagiti banag a tagikuana ket ti tallo nga aywanna a kanario (tumatayab). Dua ditoy, a dumani panay amarilio ti marisna, ket maited kadagiti gagayemna. Ti maikatlo, ni Billie, ket amarilio ti marisna a nalaokan iti maris dapo dagiti payakna. Insurat ti Sister McKee iti maysa a surat kaniak: “Mabalin kadi nga amponenyo iti pamiliam daytoy? Saan nga isu ti kapintasan, ngem ti unina ti kapintasan.”

Kasla kapadpada ni Sister McKee ti amarilio a kanariona nga adda maris dapo kadagiti payakna. Saan a naparaburan isuna iti kinapintas, naipaayan iti postura, wenna idaydayaw dagiti kaputotanna. Ngem ti kantana ti nakatulong kadagiti dadduma tapno nataltallugodda a mangimet kadagiti dagensenda ken ad-adda a kabaelanda nga ibaklay dagiti aramidida.

Ti lubong ket napno kadagiti amarilio a kanario nga addaan maris dapo kadagiti payakda. Daksanggasat ta manmano laeng ti nakasursuro nga aguni wenna

agkanta. Dagiti dadduma ket isuda dagiti agtutubo a di makaammo no asinoda, ken no ania ti kayatda a pakabalinanda wenna ania ti tartarigagayanda a pagbalinan; ti kayatda laeng ket agbalinda a nalatak. Nagkubbon dagiti dadduma gapu iti kinalakay ken kinabaketda, nadagsenan kadagiti awitda, wenna napnuan iti panagduadua—nga agbibigang iti nababbaba nga amang ngem iti kabaelanda a ragpaten.

Tapno agbiag a naragsak, nasken nga addaantayo iti kabaelan a sanguen dagiti problematayo nga addaan iti tured, ti pannakapaaytayo nga addaan iti naan-anay a ragsak, ti balligitayo nga addaan kinapakumbaba. Salud-sodenyoy, “Kasano ngata a magun-odmi dagitoy a panggep a tun-oyen?” Sungbatak, “Babaen ti pananggun-od iti pudno a pannirigan no asinotayo a talaga!” Annaknatayo ti sibibiag a Dios, a naparsuatayo a kalanglangana. Panunoten dayta: *naparsua a kalanglanga ti Dios*. Ditayo kabaelan a patien a sipupudno daytoy a ditayo marikna ti baro a kaipapanan ti pigsa ken bileg.

Iti lubongtayo, masansan a napatpateg pay ti kinapintas wenna kinangayed ngem iti nadalus a kinadayaw.

Ngem manipud idi punganay imbalakad ti Apo ken ni Samuel a propeta: “Ni Jehova saan a kumita a kas iti ikikita ti tao; ta ti tao kitaenna iti akinruar a panagparang, ngem ni Jehova kitaenna iti puso” (1 Samuel 16:7).

Idi sapulen ti Mangisalakana ti maysa a lalaki nga addaan pammati, saanna a pinili isuna manipud iti ragup dagiti aginlalaing a kanayon a makitkitada kadagiti sinagoga. Ngem ketdi, inawaganna manipud kadagiti mangngalap iti Capernaum. Managduadua, saan a nakapagadal, ti nadursok a Simon ket nagbalin a Pedro, ti Apostol nga addaan pammati. Ti amarilio a kanario nga adda maris dapu kadagiti payakna ket maikari iti naan-anay a panagtalek ken awan sudina nga ayat ti Apo.

Idi nagpili ti Mangisalakana iti maysa a misionario nga adaan kinaregta ken bileg, nasarakanna isuna saan a kadagiti kapammatianna no di ketdi iti baet dagiti kabusorna. Ni Saulo a mangidadanes ket nagbalin a ni Pablo a misionario.

Pinili ti Mannubbot dagiti saan a perpekto a tao tapno mangisuro iti dalan nga agturong iti kinaperpekto. Kasta ti inaramidna idi. Ar-aramidenna daytoy ita—uray kadagiti amarilio a kanario nga adda maris dapu kadagiti payakda. Aw-awagannakayo ken aw-awagannak nga agserbi Kenkuana ditoy daga. Nasken a naan-anay koma ti panagkumittayo. Ket iti panangikarigantayo, no maidalebtayo, ipakaasitayo koma: “Iturongnakami, o iturongnakami, naindaklan a Namarsua dagiti tao, manipud iti kasipngetan tapno agkagumaan manen.”¹

Ikararagko ta sapay koma a surotentayo ti pagwadan ti Lalaki ti Galilea, a mabalin a masarakan a makipulapulapol kadagiti marigrigat, dagiti maidaddadanes, dagiti maparparigat, ken dagiti agsagsagaba. Mapataud koma ti maysa a pudno a kanta kadagiti puspustayo iti panangaramidntayo iti kastoy.

NAGADAWAN

1. “Fight Song,” Yonkers High School.

PANANGISURO MANIPUD ITI DAYTOY A MENSAHE

No mangisurokayo . . . , masansan a makatulong no ipakita wenno ipangngeg ti maysa a banag a naidumduma kadagiti sursuruan” (*Teaching, No Greater Call* [1999], 55). Tapno matulongan a maawatan dagiti miembro ti pamilia ti mensahe ni Presidente Monson, ibilang nga idawat kadakuada nga agsaganada

a mangibinglay no ania ti nasursuroda kalpasan ti panangbasada nga aggigiddan iti mensahe. Awisen ti tunggal tao a mangibinglay iti no ania ti mariknana a napateg a banag iti artikulo. Gibusan babaen ti panangiburay iti pammaneknek maipapan iti mensahe ni Presidente Monson.

Ti panangisuro iti balikas ti Dios, kas naited babaen kadagiti propetana, ket mabalin nga adda nabileg nga impluwensiana iti biag dagiti sursuruntayo (kitaen iti *Teaching, No Greater Call*, 50). Kinuna ni Presidente Monson nga adda pigsa ken bileg iti pannakaammo nga annaknatayo ti Dios. Kalpasan ti panangbasa iti artikulo, idawat iti pamilia nga isalaysayda no ania ti makatulong kadakuada a manglagip no asinoda.

AGTUTUBO

Ania ti Pudno a Kinapintas?

Kuna ni Presidente Monson iti daytoy a mensahe, “Iti lubongtayo, masansan a napatpateg pay ti kinapintas wenno kinangayed ngem iti nadalus a kina-dayawtayo.” Mabalina nga agkagumaan dagiti agtutubo a babai iti langada no asinoda ken no ania ti kabalanda a pagbalinan. Ibilang dagitoy a kapanunotan maipapan iti pudno a kinapintas manipud ken ni Elder Lynn G. Robbins ti Pitupulo:

- Ti maysa nga agtutubo a babai a makita iti langana ti agpada a ragsak ken kinasingspet agraniag iti kinapintas nga aggapu iti unegna.
- Pudno a napintas ti nasagudayan nga isem no mangted lawag iti naan-anay a gagangay a wagas. Saan a maipinta daytoy pudno a kinapintas ngem maysa a sagut ti Espiritu.
- Ti kinaemma ket akinruar a pagilasan ken kasapulan para iti akin-uneg a kinapintas.
- No maupaykayo maipapan iti langayo, matulongan nakayonto daytoy a kumita iti bagiyo babaen dagiti mata dagiti ipatpategyo. Ti nakalemmeng a kinapintas a makita dagiti ipatpateg ket agbalin a sarming para kadagiti panagsayaat wenno bukod a panagdur-as.
- Ti klase ti lalaki a kayat nga asawaen ti maysa a nasagudayan a babai ket “saan a kumita” met a kas iti kitaen ti nailubongan a tao (kitaen iti 1 Samuel

16:7). Isuna ket magargari iti pudno a kinapintas a pagraniagenna manipud iti natarnaw ken naragsak a puso. Kasta met a pumayso iti maysa nga agtutubo a babai nga agsapsapul iti nasagudayan nga agtutubo a lalaki.

- Namnamaen ti Amatayo iti Langit iti amin nga anakna a pumilida iti umno, a daytoy laeng ti wagas nga agturong iti manayon a ragsak ken akin-uneg a kinapintas.
- Iti Apo, awan ti pannakibalubal. Amin ket agpapada iti pribilehio a maaddaan iti ladawanna a naikitikit kadagiti langitayo (kitaen iti Alma 5:19). Awan ti pudpudno a kinapintas.

Iti panangbasa iti sibubukel a mensahe, kitaen iti Lynn G. Robbins, "True Beauty," *New Era*, Nob. 2008, 30. Masarakan dagiti agtutubo a lallaki ti isu met la a balakad iti Errol S. Phippen, "Ugly Duckling or Majestic Swan? It's Up to You," *Liahona*, Okt. 2009, 36.

ANNAK

Kantaenyo ti Kasam-itan a Kantayo

mbaga ni Presidente Monson ti maipapan iti tallo a kanario (tumatayab) ni Sister McKee. Dua ti puro

amarilio. Langada ti perpekto wenno awan pagkuranganna! Nalaad ti langa ti maikatlo gapu ta adda maris dapo kadagiti payakna. Ngem ipatpateg daytoy ni Sister McKee gapu ta nagsam-it ti panagu-ni daytoy.

Adda dagiti tao a makarikna a saanda a kas iti kinapintas wenno kinalaing dagiti dadduma. Ngem napateg ti tunggal tao iti Apo. Makapag-ba_lintayo a napudno ken natured ken mausartayo dagiti talentotayo a makapagserbi kadagiti sabali. Ngarud maipadatayo iti amarilio a kanario nga adda maris dapo kadagiti payakna. Saantayo a perpekto, ngem agkankantatayo iti kasam-itan a kantatayo!

Mangisuratkayo iti tallo a wagas a mabalinyo a pakakantaan iti kasam-itan a kanta para iti Apo.

Makantak ti kasam-itan a kantak para iti Apo babaen ti:

1. _____
2. _____
3. _____

© 2010 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/09. Pannakaanamongna a maipatarus: 6/09. Pannakaipatarus ti *First Presidency Message, June 2010*. Ilokano. 09366 864

Panangpabaro kadagiti Katulagan babaen ti Sakramento



Isuroyo dagitoy a nasantuan a kasuratan ken adaw a sao wenno, no kasapulan, ti sabali pay a pagbatayan a mangbendision kadagiti kabsat a babbai a sarungkaranyo. Iburayyo ti pammaneknek maipapan iti doktrina. Awisenyo dagiti sarungkaranyo nga iburayda no ania ti narikna ken nasursuroda.

Inrugi ni Jesucristo ti Sakramento

“Ni Jesus nangala iti maysa a tinapay, ket binendisionanna ket pinisina, ket intedna kadagiti adalan wenno (Apostolna), ket kinunana, ‘Alaenyo, kanenyo’ (Mat. 26:26). ‘Daytoy isu ti bagik a maited gapu kadakayo: aramidenyo daytoy a panglaglagip kaniak’ (Lucas 22:19). Iti isu met la a wagas innalana ti kopa ti arak, linaokanna iti danum a kas iti sigud, binendisionanna daytoy ken nagyaman para iti daytoy, ket imbunongna daytoy kadagiti adda a nagummong iti aglawlawna, kinunana: ‘Daytoy a kopa ti baro a tulag iti darak,’ ‘a naibukbok . . . para iti pannakapakanan dagiti basol.’ ‘Aramidenyo daytoy a panglaglagip kaniak.’ . . .

“Manipud iti dayta a padas iti nangato a siled sakbay ti ipapanda

iti Getsemani ken Golgota, nakitulagen dagiti annak ti kari a laglagipenda ti sakripisio ni Cristo ditoy iti nabarbaro, nangatngato, nasansantuan ken kabukbukodan a wagas.”¹

Ni Elder Jeffrey R. Holland ti Korum dagiti Sangapulo-ket-dua nga Apostol.

Pabaruentayo dagiti Katulagantayo iti Panagbuniag babaen ti Sakramento

“No agbuniagtayo, awatentayo iti bagbagitayo ti sagrado a nagan ni Jesucristo. Ti panangawattayo iti naganna ket maysa kadagiti kapaatngan a padastayo iti biag. . . .

“Tunggal lawas iti miting ti sakramento ikaritayo a manglaglagip iti panangsubbot a sakripisio ti Mangisalakantayo bayat ti panangpabarotayo iti katulagantayo iti panagbuniag. Ikaritayo nga aramiden ti kas iti inaramid ti Mangisalakantayo—nga agbalin a managtulnog iti Ama ken kanayon nga agtungpal kadagiti bilinna. Ti bendision nga awatentayo kas supapak ket ti maaddaan a kanayon iti Espirituna a kadmakaduatayo.”²

Ni Elder Robert D. Hales ti Korum dagiti Sangapulo-ket-dua nga Apostol.

“Kaduak ti ubing a babai nga agtawen ti walo iti aldaw ti panagbuniagna. Idi agmalem kinunana nga addaan iti panagtalek,

DAGITI TULONG PARA ITI VISITING TEACHING

Bayat ti pannakaam-ammoyo iti maysa a kabsat a babai ken ti pamiliana, agsapulkayo kadagiti wagas a mabalin a pakatulognganyo kenkuana a mangpabaro kadagiti katulaganna babaen ti sakramento. No saan isuna a dumardar-ay iti miting ti sakramento, mabalinyo nga awisen a dumar-ay wenno idiyayo a tulungan tapno makadar-ay isuna (ikkan iti pagpletana, tulungan nga aywanan dagiti ubbingna, paabay iti gayyem iti tugawna, ken dadduma pay).

BUKOD A PANAGSAGANA

Lucas 22:19–20

1 Taga-Corinto 11:23–28

3 Nephi 18:1–12

‘Nabuniaganak para iti maysa nga aldaw, ket diak pulos nagbasol uray naminsan!’ Ngem saan a nagbayag ti aldawna a panagaramidna iti perpekto, ken awan duaduak nga isu ket nakasursurotan, kas iti panagsursurotayo amin, a no uray kasano ti panangikarigatantayo, saan a kanayon a maliklikantayo ti tunggal dakes a kasasaad, ti tunggal madi a panagpili. . . .

“. . . Ditayo kabaelan ti pudno a panagbalbaliw nga agmaymaysa laeng. Saan nga umdas ti bukod a panagsaganatayo ken dagiti nasayaat a panggeptayo. No

agbidduttayo wenno madi dagiti pilitayo, kasapulantayo ti tulong ti Mangisalakan tapno makasublitayo iti umno a dalan. Makiranudtayo iti sakramento iti linawas tapno ipakitayo ti pammatitayo

iti bilegna a mangpabalbaliw kadayo. Ipudnotayo dagiti basbasoltayo ket ikaritayo a tallikudanen dagitoy.”³

Ni Julie B. Beck, *sapasap a presidente ti Relief Society.*

DAGITI NAGADAWAN

1. Jeffrey R. Holland, “This Do in Remembrance of Me,” *Ensign*, Nob. 1995, 67.
2. Robert D. Hales, “The Covenant of Baptism: To Be in the Kingdom and of the Kingdom,” *Liahona*, Ene. 2001, 8.
3. Julie B. Beck, “Remembering, Repenting, and Changing,” *Liahona*, Mayo 2007, 110–11.